

Na osnovu Odluke Vlade Bosansko-podrinjskog kantona Goražde o davanju saglasnosti na Program utroška sredstava „Program podrške razvoju poduzetništva i obrta za 2023. godinu“, broj: 03-11-1682/2023 od 25.08.2023. godine, Ministarstvo za privredu Bosansko-podrinjskog kantona Goražde raspisuje:

JAVNI POZIV

za odabir korisnikasredstava za finansiranje po Programu utroška sredstava „Programu podrške razvoju poduzetništva i obrta za 2023. godinu“

I PREDMET JAVNOG POZIVA

Predmet Javnog poziva je prikupljanje prijava, apliciranih putem aplikacione forme za dostavljanje prijedloga projekata i aplikacione forme za dostavljanje prijedloga zahtjeva, za odabir korisnika sredstava po „Programu podrške razvoju poduzetništva i obrta za 2023. godinu“. Sredstva su planirana u Budžetu Ministarstva za privredu Bosansko-podrinjskog kantona Goražde za 2023. godinu, na ekonomskom kodu 614500 POD 003- Subvencije za podsticaj razvoja poduzetništva i obrta, u iznosu od 100.000 KM.

II NAZIV POSEBNOG CILJA PROGRAMA

Poseban cilj 1.- Pružanje pomoći za unapređenje i očuvanje postojećeg obrta kao i sufinansiranje niskoakumulativnih djelatnosti i starih zanata (ne mogu aplicirati korisnici koji su dobili sredstva u 2022. godini, kao i obrtnici koji se bave poljoprivrednom djelatnosti) i da imaju OBAVEZNO 20 % vlastitog učešća.

Iznos koji je planiran po ovom cilju je 60.000,00 KM

Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja obrta za nabavku (osnovna sredstva za rad, mašine, alati, investiciono ulaganje u objekte,...) , u cilju poboljšanja ukupnog životnog standarda u Bosansko-podrinjskom kantonu Goražde.

Na ovaj poseban cilj aplicira se isključivo putem aplikacione forme za **Projekte** po raspisanom javnom pozivu. Na aplikacionoj formi za projekte propisana je potrebna dokumentacija koja se prilaže kod apliciranja na Poseban cilj broj: 1.

Iznos sredstava koji može biti zatražen je do 5.000 KM

Poseban cilj 2. – Subvencioniranje kamata kod već stvorenog kreditnog zaduženja u 2023.godini i stvorenih kreditnih zaduženja do 01.11.2023.godine.

U okviru drugog posebnog cilja Ministarstvo za privredu će sufinansirati kamata za kredite za obrtnike sa područja BPK Goražde koji imaju stvoreno kreditno zaduženje ili se kreditno zaduže do 01.11.2023.godine.Na ovaj poseban cilj mogu aplicirati isključivo putem aplikacione forme za zahtjeve po raspisanom javnom pozivu. Rok za dostavljanje aplikacija po ovom cilju je 01.11.2023.godine ili do utroška sredstava.

Iznos sredstava koji može biti zatražen je do 3.000 KM.

Poseban cilj 3.- Subvencioniranje troškova Start UP podrška za prvu registraciju obrtničke djelatnosti u 2023 godini i nabavci opreme za start-up obrte (osim poljoprivredne djelatnosti) u 2023.godini

U okviru trećeg posebnog cilja obezbijedit će se subvencija za Start UP podršku prve registracije obrtničke djelatnosti i srodnih djelatnosti u cilju povećanja obrtničke djelatnosti na prostoru Bosansko-podrinjskog kantona Goražde. Podrška po ovom posebnom cilju se neće pružiti u oblasti poljoprivredne djelatnosti iz razloga jer se projekti vezani za poljoprivrednu djelatnost subvencioniraju sa ekonomskog koda za poljoprivredu. Podrška će se prioritarno pružiti u vidu subvencija za prvu registraciju obrtničke djelatnosti u cilju unaprjeđenja obrtničke djelatnosti i srodnih djelatnosti na prostoru Bosansko-podrinjskog kantona Goražde.

U okviru ovog posebnog cilja podrška će se pružiti u vidu sufinansiranja troškova vezanih za prvu registraciju obrtničke i srodnih djelatnosti a to su: troškovi registracije biznisa (troškovi taksi,advokatske usluge, troškovi kopiranja i ovjeravanja dokumenata, izrada pečata i sl.); troškovi vezanih za izvođenje građevinskih radova neophodnih za pokretanje obrta i srodnih djelatnosti , kao i troškovi nabavke proizvodnih mašina i ostalih stalnih sredstava, opreme za neophodne za otpočinjanje poslovanja (npr. nabavka fiskalne kase, nabavka osnovnih sredstava za rad, mašina, i sl.) troškovi uređenja poslovnog prostora. Podrška se neće pružiti za izmirenje poreskih dugovanja, isplatu plaća, nabavku materijala i sintnog inventara, repromaterijala, i ostalu robu radi prodaje odnosno preprodaje. Na ovaj poseban cilj aplicira se isključivo putem aplikacione forme za zahtjev , biznis plana po raspisanom javnom pozivu.

Rok za dostavljanje aplikacija po ovom cilju je 01.11.2023.godine ili do utroška sredstava
Iznos sredstava koji može biti zatražen je do 3.000 KM.

III KRITERIJI

Kriteriji za izbor projekata i zahtjeva:

1. Prioritetne aktivnosti i mjere za učestvovanje u Programu u okviru prvog posebnog cilja su:

Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja obrta za nabavku (osnovna sredstva za rad, mašine, alati, investiciono ulaganje u objekte,...)

2. Prioritetne aktivnosti i mjere za učestvovanje u Programu u okviru drugog posebnog cilja su:

U okviru drugog posebnog cilja Ministarstvo za privredu će sufinansirati kamata za kredite za obrtnike sa područja BPK Goražde koji imaju stvoreno kreditno zaduženje ili se kreditno zaduže do 01.11.2023.godine.

3. Prioritetne aktivnosti i mjere za učestvovanje u Programu u okviru trećeg posebnog cilja su:

Pokretanje novih obrta i srodnih djelatnosti, kao i trgovačka i ugostiteljska djelatnost u 2023. godini, osim obrta u poljoprivrednoj djelatnosti.

IV KORISNICI SREDSTAVA

Korisnici sredstava po ovom programu su obrtnici i druge srodne djelatnosti koji ispunjavaju opšte i posebne uslove iz Programa utroška sredstava, te koji u skladu sa opštim i posebnim ciljevima mogu ispuniti uslove u pogledu prava na učešće u Javnom pozivu, te isto dokazati potrebnom dokumnetacijom, čiji je sadržaj dostupan na aplikacionim obrascima za projekte i zahtjeve, u zavisnosti od svakog posebnog cilja.

V PRAVO UČEŠĆA

Pravo učešća po ovom Javnom pozivu imaju svi obrtnici koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru svakog posebnog cilja.

VI SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju poduzetništva i obrta za 2023. godinu“.

Prijavu razmatra komisija za izbor korisnika sredstava, ako su dostavljeni:

- popunjeni obrasci aplikacione forme za projekte i aplikacione forme za zahtjeve (popunjeni obrasci ne mogu biti pisani rukom),
- potrebna dokumentacija kojom se dokazuje ispunjavanje općih i posebnih uslova po navedenom posebnom cilju Programa i
- ostala dokumentacija koja može uticati na vrjednovanje i ocjenu aplikacija u skladu sa „Programom podrške razvoju poduzetništva i obrta za 2023.godinu“.

Popis potrebne dokumentacije za navedene posebne ciljeve Programa dat je uz aplikacionu formu za projekte i aplikacionu formu za zahtjeve koje je propisalo resorno ministarstvo.

Prijave koje nisu podnešene u skladu sa procedurama apliciranja navedenim u „Programu podrške razvoju poduzetništva i obrta za 2023. godinu“ bit će odbijene i neće biti predmet daljeg razmatranja komisije za izbor korisnika sredstava. Sva priložena dokumentacija mora biti izdata od strane nadležnih organa. Sve priložene kopije dokumenata moraju biti ovjerene od strane nadležnih organa, ovjera ne smije biti starija od tri mjeseca.

VII KRITERIJI ZA OCJENU PRIJAVE I IZBOR KORISNIKA

Izbor korisnika finansijskih sredstava vrši komisija za izbor korisnika sredstava, koja ima zadatak da u skladu sa procedurama apliciranja, selekcije i evaluacije projekata i zahtjeva za sredstvima navedenim u „Programu podrške razvoju poduzetništva i obrta za 2023. godinu“ izvrši ocjenu i rangiranje korisnika finansijskih sredstava.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

VIII NAČIN PREUZIMANJA POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo za privredu Bosansko-podrinjskog kantona Goražde i ista se može preuzeti sa internet stranice Ministarstva www.mp.bpkg.gov.ba.

IX NAČIN PODNOŠENJA PRIJAVE

Prijave sa odgovarajućom dokumentacijom šalju se preporučenom poštom u zapečaćenim kovertama na adresu:

**Ministarstvo za privredu Bosansko-podrinjskog kantona Goražde
ul M.Tita 13, Goražde 73000**

sa naznakom:

**za Javni poziv za odabir korisnika sredstava po „Programu podrške razvoju poduzetništva i obrta za 2023. godinu“ , poseban cilj broj _____
„NE OTVARAJ“**

Na poleđini koverta obavezno navesti naziv – ime podnosioca prijave, adresu i kontakt telefon i ovjeriti pečatom poslovnog subjekta.

Rok za dostavu prijava je 15 dana od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj ploči resornog ministarstva.

Prijave primljene nakon isteka roka bit će odbačene i neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv. Prispjela dokumentacija neće se vraćati.

X OSTALE ODREDBE

Sa podnosiocima prijava čiji se projekti i zahtjevi odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definisati međusobna prava i obveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih u skladu sa „Programom podrške razvoju poduzetništva i obrta za 2023. godinu“.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 08-16 sati.

Broj: 04-11-1786-2/23

Goražde, 28.08.2023. godine

